


DISSERTATIO INAVGVRALIS MEDICA
DE
POTVS FRIGIDI
SALVBRITATE
QVAM
AVSPICE NVMINE SVMMO
PRÆSIDE
DN. FRIDERICO HOFFMANNO
FACVLTATIS MEDICÆ SENIORE
PRO
DOCTORIS IN MEDICINA GRADV
RITE OBTINENDO
ad d. Decembris anni ccccxxix.
PVBLICO EXAMINI SISTET
HECTOR ZOLLIKOFER
AB ALTENKLINGEN
HELVETO St. GALLENSIS

HALAE MAGDEBURGICAE,
Typis JOH. CHRISTIANI HILLIGERI, Acad. Typogr.

iaetet.
158,46

Diff. dact
159



VIRIS
MAGNIFICIS AMPLISSLIMIS
NOBILISSIMIS CONSVLTISSIMIS
DOMINIS DOMINIS CONSVLIBVS
PATRIAЕ PATRIBVS
MERITISSIMIS

DN. DAVIDI STEHELINO
DN. JOANNI JACOBO
RIETMANNO
DN. CHRISTOPHORO
HOCHREVTINERO J.V.D.
GETERISQUE DOMINIS DOMINIS
SENATORIBVS

REIPVBLICÆ SANGALLENSIS
PRVDENTISSIMIS GRAVISSIMIS

DOMINIS MEIS GRATIOSISSIMIS.

VIRIS ITEM GENEROSIS
PRAENOBILISSIMIS STRENUISSIMIS
DOMINIS
DN. MARTINO ZOLLIKOFERO
AB Altenflingen
In Pfauenmaß
DN. HERMANNO ZOLLIKOFERO
AB Altenflingen
COHÆREDITARIIS
DOMINIS in Altenflingen Mergstetten & Pfauenmaß
CETERISQUE ZOLLIKOFERORVM AB Altenflingen
VTRIVSQUE STIRPIS SENIORIBVS ET ILLORVM VICARIIS
NEC NON
DN. GEORGIO CASPARI
ZOLLIKOFERO
AB Altenflingen
EXPRÆFECTO TOPARCHIÆ ALTENKLINGENSIS MERITISSIMO
AGNATIS MEIS
PARENTI OPTIMO
Omni honoris & obsequii cultu prosequendis
Amore complectendis
DISSERTATIONEM HANC
D. D. D.
AVCTOR.



DE
**SALVBRITATE POTVS
FRIGIDI.**
PROOEMIVM.



Ealem quandam activam
vim , nitentem & renitentem,
indidit utique sapientissimus V-
niversi conditor corporibus sin-
gulis. Hac unum in alterum
agit & reagit, ac si vires utrius-
que fuerint inæquales , unum ab
altero movetur. Motus inde resultans , five loci &
situs mutatio , omnium qui in rerum universitate
eveniunt effectuum , diversæ quoque texturæ , mix-
tionis & inde pendentium facultatum , unica & ge-
nuina est causa. Sunt hæ veritates , per rationes &
experimenta adeo certæ , ut de iis amplius dubitet
nemo , nisi Philosophiæ naturalis & experimentalis

A 3

plane

plane rudis. In ipso dein humano summa arte stru-
cto corpore , vitales motus & singularum partium
functiones naturales, rebus maxime corporeis, clementis , alimentis aliisque salubribus , sustinentur
atque succedunt. Vicissim eadem materiales cau-
sæ , motus hos vitæ & sanitatis auctores , turbant
subinde, labefactant, aut prorsus destruunt. At-
que etiam perversi hi morbum mortemque inferre
apti motus , per eadem physica auxilia , ad natura-
lem successum reducuntur , vel plane componun-
tur. Idque apud omnes rerum physicarum & me-
dicarum gnaros pariter est in confessio. Interim cer-
ta & indubia constat experientia , & elementis, &
alimentis, & medicamentis, corpus nostrum affici
varie variisque ipsi inferri mutationes . Alia inte-
gritatem servant, alia destruunt morbosque ingene-
rant. Alia aliis sunt salubriora, alia aliis magis , vel
minus nociva. Quin, quod uni utilitatem, alteri de-
trimentum, quod uni salutem , alteri mortem affert.
Sed ita omnino comparata hæc cuncta , ut effectus
ipsorum non sit absolutus, sed relativus. Conside-
randa enim non modo eorundem actio , sed & cor-
poris in quod agunt reactio. Corpora autem dif-
ferunt mirifice, quoad structuram solidorum, tem-
periem fluidorum, ipsam quoque activitatem & dis-
positionem ad motum. Varia hæc constitutio va-
rie modificat & determinat operationem. Nec mi-
rum, varium eapropter esse effectum, ex actione &
reactione resultantem. Elucefecit ex hoc , quanta sit
difficultas medicæ artis , quam rerum salubrium &
infa-

insalubrium scientiam jampridem GALENVS recte dixit. Hanc enim exercitus, noscat exakte, omnium eorum, quæ mutationem in corpore facere possunt, naturam, principia & modum operandi. Quæ cognitio, tam a priori, sensuum & experimentorum physico-chymicorum ministerio, quam a posteriori, per sedulam & accuratam effectuum observationem, obtinetur. Noscat vero etiam constitutionem corporis curandi, habitudinem solidorum & fluidorum motuumque in ipsis, unacum indole & viribus causarum, quæ morbum intulerunt. Sic cum certa ratione perite judicare valebit, quid proficuum, quid noxiū, quid faciendum, quid omittendum? Si his minus instructus medicationem instituet, falli poterit & falletur, quin ipsis sanitatis præsidiis saluberrimis, propter sinistrum usum, damnum injunget gravissimum. Quæquod ita omnino sint, testantur obvia passim documenta & exempla. E quibus potissimum fere suggerit, frigidus, aquæ in primis puræ, potus. Quantum per hunc subinde detrimentum sanitati, quin ipsi vitæ, inducatur, tam notum est, vel per ipsam experientiam, quam quod notissimum. Contra vero non minus in comperto est, eundem in multis & gravibus passionibus eximio esse præsidio. Vterque, contrarius licet, effectus, in acceptis ferendus usui, recte, vel perpetram adornato. Dignum igitur quod penitus excutiatur argumentum. De præpostero tamen usu & inde oriunda noxa, jam alia pluribus actum est occasione. Quare in hoc specimine inaugurali, *de frigido*

gido potu salubri, differemus, exposituri, quam ob causam, quibus in morbis & qua ratione adhibitus, sanitati conducat. Faxit supremus artis salutaris auctor, ut labor hic attingat, in quem cœptus est finem, multorum salutem!

§. I.

IN hac autem de salubritate frigidi, in primis aquæ puræ, potus, disquisitione, duplex potissimum nobis agitandum est argumentum. Vnum, quo demonstremus, quid ab humido potus, utilitatis, ad sanitatem, vel integrum conservandam, vel labefactatam recuperandam, sit exspectandum. Alterum, ut evictum demus, potum ejusmodi, ob id etiam quod frigidus est, peculiares saluberrimas exercere virtutes & medicinæ præstabilis gerere vicem.

§. II.

Sane perutile ac necessarium esse, humidum ac diluens potus elementum, ad conservandos vitales machinæ animalis motus, comprobant multa. Omnis enim corporis humani structura fibrosa est & vasculosa. Singulæ ipsius flexiles partes ex innumeris majoribus, minoribus, minimis & tantum non infinite parvis canaliculis coagmentatae. Atque per horum alveos fluida perpetim feruntur, progrediuntur & circumaguntur. Docent hæc omnia uberiorius anatomicæ, maximeque immortalis nominis RVYSCHII, injectiones & observationes exquisitæ. In hoc autem fluidorum per solida progressu conti-

continetur vita, atque illo per tenuissimos tubulos cursu absolvitur nutritionis, secretionum atque excretionum negotium; sine quo nec sanitas, nec partis ullius functio potest consistere.

§. III.

Quod igitur per tubulos adeo exiles in corpore vivo & sano decurrit fluidum; utique esse debet valde tenue. Atque etiam sic evincit experimentum nostrum, quo constat, sanguinem sani hominis e vena missum, libratum & in vase amplio fornaci calidæ impositum, facta successive humili exhalatione, tres partes amittere, restitante tantum una sicca & solida. Neque tamen venosus sanguis genuinum de subtilitate & fluiditate omnis in corpore sanguinis fert testimonium, sed is, qui corde & majoribus arteriarum ramis continetur, longe tenuior, eundemque vel triplo majorem humili quantitatem habere, haud est improbatum. Nam si quis potum & cibum, a sano & operoso homine assumi solitum, ad siccitatem reducat, computatione facta, novem circiter liquidi partes, ad unam solidi, inesse, patebit. Lac quoque, quod nihil aliud, quam extractus ex alimentis succus, ex quocunque fere animali depromtum, per destillationem, minimum septem liquidi partes largitur, relictâ duntaxat una solidioris massæ parte. Lymphaticus quippe & chylosus liquor, qui subclaviæ venæ successive copiose infunditur, sanguinem diluit insigniter. Sanguis autem humido sic imbutus, pergit ad dextrum cor, ex quo mittitur in pulmones, in quorum vasculis & vesiculis,

B

hau-

hausto per inspirationem aëre, conquassatur, atteritur & quod minima intime miscetur. Quo floridus & fluidissimus redditus, venit in sinistrum cor, & ex hoc in universum corpus diffunditur, pro subeundis secretionibus & excretionibus obeundisque functionibus variis, quibus factis, per venas tandem iterum confluit in cor.

§. IV.

Patescit jam, quam necessarium fit ad mixtionem & vitalem sanguinis motum, humidi elementi, multis modis solidum superantis connubium. Ex quo porro facile colligitur, non tam adversum esse vitalibus humoribus humidi, per potum, nisi fuerit insalubris, assumti excessum, quam illum, qui in cibis solidioribus admittitur. Vicissim expedita est ratio, quare ex defectu potus, feminis & vitæ sedentariæ addictis, multæ longæ & graves passiones, a succorum spissitudine & facta inde minimorum tubularum obstructione, accidunt. Innotescit quoque, cur ad arcendas & persanandas, acutas æque ac chronicas passiones, non certius, tutias & magis præfens sit remedium, quam humectantia & diluentia. Quorum in numero sunt Veterum ptisanæ, serum lactis, aquæ minerales & medicatae, thermæ & acidulæ, decocta & infusa vegetabilium cum aqua. Neque minus in promtu est causa, qui fiat, ut pharmaca maximarum virium, ex minerali regno petita, in gravibus rebellibus & diuturnis passionibus nihil fere eximii præstent, nisi accesserit humidum sufficiens, virtutem in venas omnes diducens.

§. V.

§. V.

Permoverunt hæc omnia, cum aliis rationum momentis, D. D. PRÆSIDEM, ut jam ante virginis & quod excurrit annos, peculiari dissertatione assereret: aquam esse medicinam universalem. Non tamen omnem. Sunt enim variæ, sæpe non salubris indolis aquæ. Sed quæ panaceæ nomine digna, levissima est & purissima, heterogeneis, terrestribus & salinis particulis destituta. Quibus dotibus splendet potissimum pluvialis, ruri in aëre libero, non ex stillicidiorum compluviis collecta, nec non destillata. Talis enim subtilis, pura & levis aqua subit expedite corporum intima, quæ dura & rigida mollit at mulcet, firmoremque ipsorum compaginem eliquat atque dissolvit. Vnde, uti œconomis noteum sit ac coquis, ad promptiorem ciborum, qui compactioris texturæ, coctionem, item ad eluendas maculas abstergendasque fôrdes, adhibetur utiliter. Neque eapropter dubium est, quin in humano corpore, rigidas præter naturam fibras mulceat atque laxet, succos lentescentes colliquet, fôrdes eluat & obstruções expedit, atque adeo adversus inde oriundos multos & difficiles morbos, præsidium sit certe probatissimum.

§. VI.

Quæ quum ita sint, de salubritate potus aquosi dubitabit quidem nemo; sed quod etiam actu frigidus conducat & ipsis in morbis sit præsidio, certe arbitrabuntur non omnes. Grave de noxa potus frigidi est artis nostræ parentis, HIPPOCRATIS,

B 2

jam

jam testimonium, quod libr. de intern. affect. V. §. 18. sic habet: *frigido potu, si quis inconsiderate utitur, spasmos & rigorem inducit. Nam exitu inquinamenta prohibet, & ossibus & cerebro bellum indicit.* Et sane calidi sunt in omni animante humores. Frigus autem, vitæ ipsique servientibus motibus, censetur intensissimum. Nam succos densat fibrasque & ex his coagmentata tenuissima vascula constringit. Quo secretionum & excretionum successus interturbatur, ipsique libero sanguinis progressui, in quo maxime vitæ sanitatisque ratio est posita, ponitur obex. Docet præterea experientia: graves, immo funestas, multas, chronicas & acutas passiones, a frigido potu fuisse inducetas. Inflammationes scilicet ventriculi, intestinorum & pulmonum, morbos spasmодico-convulsivos, asthmata, phthisin, hydropem, hecticam, hypochondriacum malum, menstrui & hæmorrhoidalis fluxus suppressionem, indeque ortas gravissimas totius systematis nervosi passiones & quæ id genus plura.

§. VII.

Licet autem hæc negari omnino nequeant; neutquam tamen eapropter frigidum potum penitus esse damnandum censemus. Dabimus potius rationis & experienciæ suffragio evictum: eundem quandoque medicinam præbere, efficacem non minus, quam salubrem. Frigus enim ipsum naturæ humanæ non adeo adversum est ac inimicum, uti vulgo putatur. Observamus certe, homines & animalia frigidarum septentrionalium regionum, frigus non modo

modo ferre innoxie, sed & longe robustiora, vivaciora & fœcundiora esse iis, quæ sub calido cælo vivunt & aluntur. Tempore hiemali, sub constitutione aëris quantumvis gelida, epidemici morbi gravissimi, nec non anomalæ febres, rariores sunt minusque infestæ, quam æstate & cælo regnante æstuoso. Experti sumus id jam per aliquot annos, quibus ob æstatis fervorem nimium insolitamque siccitatem, ubivis fere, varii generis anomalæ febres, acutæ & chronicæ, nec non dysentericæ, populares habuerunt circuitus & stragem ediderunt haud levem. Atque etiam huic insalubri aëris & temporum constitutioni siccæ nimisque calidæ, illud haud immerito videtur tribuendum, quod ab aliquo tempore, major semper mortuorum fuit numerus, quam natorum. Nemo porro non novit, sub cælo sereno frigido, spirantibus ex oriente & borea ventis, vires esse vegetiores, ciborum appetentiam cum digestione promptiore ipsumque somnum suaviorem, ac æstate & sub atmosphæra levi ac calida, cuius indicium fert mercurii in barometro descensus. Frigidus enim aër elasticus est & expansivus, fibrasque strin-gendo, robur ipsis addit, eaque propter cordis omniumque vasorum systolicum motum intendit. Cujus in confirmationem facit præterea domesticum, sed curiosum experimentum, quo exemptum carponis majoris cor adhuc palpitans, simulac aquæ tepidæ injicitur, illico motum intermittere, in frigidam projectum cundem repetere, iterum calidæ commisum, amittere, & in frigida postea aliquandiu adhuc

B 3

con-

concuti cernitur. Ne dicamus, pisces in aëre frigido aliorum delatos, diu vitam servare, in calido autem brevi exspirare.

§. VIII.

Ad ipsum frigidum aquosum potum quod attinet; est is utique, ut antiquissimus & communissimus, ita etiam saluberrimus. Non levis enim hanc in rem momenti est observatio, quod qui potibus spirituosis, cerevisiis inebriantibus, vino & aquis sic dictis vita liberalius utuntur, gravissimis morbis frequentius afficiantur, apoplexia scilicet, paralyssi, suffocatio catarrho, capitis doloribus, phthisi, hæmoptysi, peripneumonia, hydrope, calculo, podagra, hæmorhoidum turbis & inde oriundis pathematibus, nec non internorum æque ac externorum sensuum vitiis. Illi vero qui frigidum & simplicem aquosum potum bibunt; longe rarius omnibus his diris malis sunt obnoxii, sed corporis & animi vires habent integras, appetitu pollent meliori, albos etiam & compactos, nec exesos dentes gerunt. Nec capropter ratione caret illud Turcarum præceptum, quo vini potu ipsis serio interdictum, tum, ut occasio præscinderetur ebrietatis sensusque interni sibi constarent semper, tum etiam, ut in calido sub quo degunt cælo, vita & sanitas servaretur integra. Atque etiam in Italia & Hispania, ubi calidior atmosphæræ habitudo, solennis est frigidus, quin glaciatus, potus, quo æstum restinguunt tam utiliter, ut, sine eo, vix sanos esse incolas, Optimates præsertim, vini potui simul indulgentes, per experientiam constet. De quo

quo testis gravis est RA MAZZINI, de *tuend. princip. valetud. cap. V.* perhibens: pro singulari beneficio a divina bonitate, ad repellendam aeris aestuantis violentiam, nix est accipienda, in regionibus praesertim calidioribus, ut in Sicilia, regno Neapolitano ac tota fere Italia, tum pro sanis, tum pro aegris corporibus. *Vbi enim, uti aliquando evenit, cum per hiemem vel paucæ nives, vel nullæ delapsæ fuerint, ac propterea nivalis annonæ caritate laboreatur, annus ille pro nefasto habetur.* Nec observatione caret, quod in hujusmodi casu, longe plures & graviores morbi vagati fuerint, quam ceteris temporibus.

§. IX.

Quod si autem in modum, quo frigus in potu salutarem exsequitur effectum, inquirimus; praeter id, quod motum intestinum partium in sanguine, intensiorem, cum inde pendente calore attemperat, a roborante facultate eundem potissimum repetendum esse censemus. Enimvero robur & imbecillitas in genere, quæ partibus corporis vivi & sani insunt, non secus ac in Vniverso, ad virium motricium quantitatem, vel auctam, vel imminutam, referri debent. Deinceps robur animantium vitale, certam in fluidis & solidis dispositionem requirit. Quo magis quippe solidæ partes tensæ, strictæ & compactæ, quo copiosior liquidi tenuissimi, quod in sanguine praesertim arterioso & poroso nervorum contextu continetur, est in partes influxus; eo validior solidorum, eoque expeditior liquidorum crassiorum per canales est motus. Contra ea, quo remissiores fibræ,

fibræ , solidas corporis partes componentes , quo parcior fluidi mobilissimi arteriosi & nervosi influxus , eo major ad motum imbecillitas & in circumagendis liquidis defectus . Plurimi porro morbi vel a stasi , sive quiete perfecta , vel a stagnatione , sive lentiore humorum progressu , & ingignuntur , & sustentantur . Et hæ morbificæ causæ pendent ab elaterie & motrice solidorum vi imminuta . Frigoris autem in universum is in corpore effectus , ut fibras stringat atque adducat . Igitur , quando potus corpus subit frigidus , laxatas solidas partes moderate constringendo firmat , quo dum non modo vasorum diameter minuitur , sed & impensior fibris conciliatur resistentia , humorum etiam motus partim liberius redditur & expeditior , partim quoque alio determinatur . Ex quibus utique fit planum , frigidum potum , ob roboran tem hanc suam facultatem ad præscindendas humorum stagnationes & executiendam quæ in vitio est materiam , adeoque morbos & arcendos , & persanandos , usus esse longe saluberrimi .

§. X.

Jam , ut proprius accedamus ad scopum , omnis medicatio eo dirigenda , ut non tantum temperata mixtio in humoribus , verum etiam symmetria & legitima proportio in vitalibus motibus , conservetur . Ad hanc autem obtinendam , transeundum interdum ad extremum contrarium . Et ipsa illa generosa remedia , quibus magna juvandi virtus inest , a temperie desciscunt & ad extremum quoddam inclinant .

nant. Nam scite non minus, quam vere, tradidit MARTIANVS *Comment. in Hippocr. de humid. usu*: pag. 128. *mediocritas*, inquiens, *in calefaciendo & frigefaciendo*, *sicuti extra noxam est, ita etiam parum professe potest.* *Quippe remedium temperatum, ut aliquando CELSVS dixit, & que tutum, & que debile est.* *Quæ vero extra mediocritatem sunt, ea, ut lœdunt, quibus non conveniunt, ita opem ferunt, quibus convenientia existunt.* Et is etiam sensus est prisci illius canonis medico-practici: *similia similibus conservantur, & contraria contrariis curantur.* Etenim sanitati, cuius ratio in humorum temperie motuque æquabili reposita, amicissima similia, quæ temperiem hanc servant atque tuentur. In morbis autem, quia ab intemperata humorum qualitate nascuntur & a motuum æquilibrio deflectunt, desiderantur in curatione contraria, quæ excessum, aut defectum ad legitimam proportionem, temperiem & symmetriam reducant. Sic ubi redundans sanguinis & humorum copia morbos ingenerat, tollenda hæc est contrariis, fame, sanguinis missione & evacuantibus. Vicissim, quum succorum laudabilem roscidorum est defectus, necessaria nutrientia, quæ sanguinem & humores resarcunt. Calor excedens, exigit refrigerantia; humitas nimia, exsiccantia; motuum languor, roborantia; impetus motuum, sedantia.

§. XI.

Inde nunc etiam patescit, quando, & qua ratione, frigus in potu salutarem edere possit effectum; de quo specialius porro agendum. Atque ut initio

C dica-

dicamus de illa corporis humani præter naturam constitutione, in qua æstus impensus fervidusque intestinus partium sulphurearum motus præsto est, uti potissimum accidit in febre; tum certe ad æstum restinguendum & calidum motum componendum, potus apprime ex usu est frigidus. Citabimus hujus in confirmationem aliquot probatissimæ fideitestes. Ille artis nostræ dictator, HIPPOCRATES, *epid. lib. VI. Sec. IV.* sic præcipit: *calidæ naturæ refrigeratio confert, aquæ potus & quies.* GALENVS ad ardorem in febribus temperandum, præbuit aquam frigidissimam ad satietatem. CELSVS *in præfatione* meminit Medici cuiusdam CASSII, qui febricitanti cuidam & magna siti affecto, frigidam aquam ingessit, eoque, protinus febrem somno & sudore discussit. PRIMERO SIVS *de vulg. error. lib. I. cap. XL. in febre*, inquit, *si julepi aut denegentur, aut parcus exhibeantur, corpus a calore febrili emaciatur ac marescit, unde non parum danni ægrotantibus imminet.* Sed potius talibus febribus laborantibus copiosius & sèpius præberi debent, ad calorem febrilem temperandum, naturam recreandam; eoque audacius, si coctio præcesserit. Naturales enim evacuationes criticas, per sudorem, aluum vomitumque adjuvant.

§. XII.

Potissimum in ardente & bilioſa febre, ceu præstantissimus commendatur frigidus potus. Sic HIPPOCRATES jam *lib. II. de morb. §. 36.* tradit: *in febre bilioſa, quæ hominem quotidie corripit, & os amarum jungitur, & vomitio juncta, & ad lumbos cruraque*

gra-

gravitas, ea die qua febris detinet, quantum quis bibere volet, aquam frigidam sumere oportet. Et lib. de affect. intern. §. 2. idem auctor ptisanæ succum bis de die frigidum assumere suadet. Neque minus in ardentे febre dare jubet potionēs frequentes & paullatim quam frigidissimas. GALENVS meth. medend. lib. IX. cap. V. præter venæ sectionem, potionem frigidam impense laudat, adjecta ratione, quia extinguit febrem & naturam robustam reddit, ut dein per alvum & sudorem expellat, quæ noxia sunt. CELSVS lib. III. cap. XII. perhibet: Si in summo incremento est morbus ardens, utique non ante diem quartum, & magna siti accedente, frigida aqua copiose præbenda est & ad satietatem danda, qua pro medicamento utuntur. Idem sentit ALPINVS de Medic. method. lib. II. in continibus, scribens, febribus, vehementer æstuosis, Medici omnes largum potum algidæ aquæ exhibere suescunt, quia calorem nativum concentrat, ut statim inde sitis & calor cesseret; roboratur inde totum corpus, & aqua epota digeritur morbus, & plerumque largissimos sudores frigidæ aquæ potus suscitat, nonnunquam vomitus biliosi fiunt, & aliquando per alvum copiosi profluunt & urinam copiosam excitat. Mirabile est, concludit, quomodo tale præsidium has febres expugnet. Nam excretionibus, quas aqua suscitat, hæ febres finiuntur. Neque minus apprime hanc in rem idem auctor de Medic. Aegypt. lib. IV. c. XV. prodidit: aliqui, ait, pro secreto habent synochas & gardentes febres, multam aquam angariæ, (quæ cucumeris species) ægrotis propinantes, sanare; si modo febricitantes ea multis diebus in cibo ac potu sola utantur. Alii,

tempore vehementioris æstus , largius frigidam potandam concedunt , qua epota , ægros multis pannis contegentes , sudorem procurant , quo non paucos audio sanatos fuisse.

§. XIII.

Nosmet ipsi de saluberrimo hoc potus frigidi effectu , in febribus sic dictis biliofis ardentibus , in synocha biliosa , nec non catarrhali illa synocha , quæ elapso anno heic & alibi grassata , item in tertiana continua & duplici , ex longa & attenta D. D. PRÆSIDIS experientia , confirmatius testamur. Novimus enim , quod urgentibus in hisce vigiliis assiduis , impenso succos & corpus consumente ardore , siti inexhausta , cum cute arida & exsucca , decoctum cornu cervi & scorzoneræ , cum sirupo acidi citri & nitro conditum , frigidum , crebro , sed minutis haustibus , ad duas vel tres mensuras quotidie potum , emolumentum attulerit summum , somnum & largum sudorem induixerit , anxietatem autem viriumque languorem strenue discusserit. Et mirum utique videtur , qui frigida aqua , aut frigidus alias diluens potus , sudorem moveat valide. Sed ubi æstu interno uruntur in corpore cuncta & intestinus partium sulphurearum motus est vehementissimus , frigidus intus suscepimus potus eundem non modo attemperat , sed & calore interius perfectus , fibras & canales subcutaneos laxat , ut sudor erumpat largissimus. Tanto magis vero & certius hic respondet effectus , si sufficienti aquæ quantitati indantur simul refrigerantia , acida & nitrofa. De quorum virtute sudorifera notabilis est RIVE-

RII

RII observatio , quam inferuit Cent. I. obs. XIX. sic habentem : *observandum, a spiritu sulphuris, vel eius loco spiritu vitrioli, cum aqua exhibito, sudores copiosos fuisse provocatos, quod multis nobis experimentis innuit, qui plures tertianas curatas vidimus eodem remedio, in summo accessionis æstu & urgente siti exhibitos. Unde copiosi sudores provocabuntur, a quibus non solum paroxysmus, sed etiam totus morbus integre solvebatur.*

§. XIV.

Quo magis semper improbabimus & improbandum censemus, illum perversum, tum Medicorum quorundam, tum adstantium morem, quo urente mordaci æstu, in febribus, exanthematicis etiam, variolosa, morbillosa, purpuracea, nec non synocha, ægris frigidum potum penitus denegant, ac nisi calidum infusi theé, aut decocti caffé, concedunt, eosque præterea tricliniis & letis calidis includunt atque obruunt. His enim nihil aliud efficiunt, quam ut anxietates augeant, vires exsolvant, inquietudinem accersant, quin sape expulsionem materiæ ad summam cutim magis impedian, quam juvent. Frigidus potius potus, modo dextre & perite ministretur, vires mox reficit facilioremque reddit ipsius morbi decursum. Sanguinis enim & humorum texturam, quam calor dissolvere nititur, firmat ac servat, fibrasque ab impetuoso motu & æstu labefactatas, roborat & adducit, quo id quod in vitio est eo promptius excutiant.

C 3

§. XV.

§. XV.

Præterea spectatæ quoque medicæ virtutis frigidus est potus iis in morbis, quorum sedes & formæ primis in viis, ex cruditatibus acido nidorofis viscidis stomachi ac duodeni, ex bile corrosiva nerveas tunicas arrodente, nec non ex atonia & motus defectu indeque oriundis flatibus molestis. Inter hos autem præcipuus fere ille morbus sic dictus cholericus, crebris alvi dejectionibus, vomitionibus, nausea, præcordiorum anxietate, ardente circa præcordia dolore, virium prostratione, corporis jactatione & frigido sudore stipatus. Qui, quia natales trahit ex decubitu & congestione sordium acrum biliosarum, partim ex sanguinis & humorum massa ad intestina delatarum, partim ex male ingestis & egestis heic collectarum; optime utique fert frigidas, aquæ in primis puræ, potiones, vel solas, vel etiam idoneis aliis remediis nuptas. Hæ enim humorum acredinem diluunt, orgasticam commotionem minuunt, fibras simul firmant tunicasque roborant, eoque faciunt, ut, quæ præsens est excrementitia materia, promte & minori cum dolore expurgetur, novus autem affluxus impediatur, ac potius ad corporis habitum aliaque congrua emunctoria divertatur.

§. XVI.

Confirmatum id habet D. D. PRÆSES memoratu digno feminæ generosæ exemplo. Erat hæc constitutionis sanguineo-cholericæ & biennio ab hinc ex ira & eduliis variis incongruis passione cor-

ri-

ripiebatur cholerica. Intra diem enim & noctem plus quam trigesies per superius & inferius os dejiciebat viridia , assumta quævis vomitu reddebat, præcordia angebantur cum sudore frigido , vires languebant insigniter , vigilia urgebat assidua & aderat præterea febris , alternis semper diebus ingravescens , sub cuius accessione ipsa mens emovebatur. Accitus igitur D. PRÆSES , illico ptisanam , ex rasura cornu cervi , radice scorzonerae & hordeo excorticato , conficere , ac hujus quatuor cochlearia , cum decem liquoris anodynī mineralis guttis , singulis binis horis frigide sumere jussit. Pedes dein , qui admodum erant frigidi , calidæ immittere , ventremque balsamo vitæ inungere , præcepit. Tum sedato quodammodo vomitu ac dolore , suasit liberaliorem ptisanæ potum frigidum & usum pulveris , ex glacie Mariæ præparata , cornu cerui philosophice præparato , conchis , cancrorum lapidibus & aliquot olei macis guttis. Quibus intra quatriduum substiterunt vomitus & dejectiones , febris facta mitior , sequutus somnus & sudor validus , ac morbus solutus. Quam in rem conferri etiam potest observatio D. D. PRÆSIDIS , quam in *tom. IV. Medic. System. Sect. II. cap. V.* de mirabili potus aquæ frigidæ in cholera successu & cura attulit.

§. XVII.

Nec alienum erit,in uberiorem confirmationem, adducere nonnulla auctorum testimonia luculenta. Optimam & huic nostræ omnino conformem cholera sanandi methodum tradit ARETÆVS , *lib. II.*
de

de curat. acut. passion. Præcipit enim : ne in principio supprimatur , sed potius promoveatur humorum vitiosorum exitus , sorbendo aquam tepidam assidue , sed paucam. Dein si torquentur intestina & pedes frigescunt , alvum irritandam esse calido unguento monet. Si autem biliosi humores per inferiora dejecti , biliosus tamen vomitus adhuc adfit , cum fastidio , anxietate , virium lapsu , vult , ut frigidæ aquæ cyathi duo , aut tres propinentur , ad ventris adstrictionem , quo retrogradus humorum cursus prohibeatur & stomachus ardens refrigeretur. Si vero arteriarum motus ad parvitatem lapsi fuerint , sudor circa frontem & alias partes stillatum decidat , & alvi profluvium & vomitus sistatur , præsente animi deliquio , tum parum odorati & adstringentis aquæ frigidæ esse infundendum. CÆLIVS AVRELIANVS , Methodicorum facile princeps , in cholericò morbo frigidam aquam per intervalla sorbere suadet , & catapotia ex ononide composita cum duobus cyathis aquæ frigidæ assumere. ALEXANDER TRALLIANVS recte quidem externum frigidorum usum prohibet in cholera , lib. VII. pag. 376. sed pota , scribit , aqua frigida maxime omnium convenit , quæ paullatim bibatur ; si virium summa imbecillitas , parum vini addendum. Perite tamen l.c. pag. 475. monet , tum utilem esse frigidam : si biliosa per alvum & vomitum egeruntur ; si æger vehementer sítit & linguam scabram habet ; si æstas fuerit , æger juvenis & calidiori victu primum usus.

§. XVIII.

§. XVIII.

Ex quibus jam recte per analogiam concludendum : in illo cholericō admodum affini intestinorum affectu , quo cum intolerandis fere torminibus ac tenesmo, biliosa & cruenta dejiciuntur creberri- me , non minus proficuum esse frigidum aquosum potum , easdem etiam ob causas. De quo saluber- rimo effectu frigidi potus in dysenteria , uberi- us præterea testatur experientia. Sic DIEMER- BROECK *Observ. XXIX.* meminit dysenteriæ despera- tæ , potu frigido sanatæ. In M. N. C. *Dec. II. ann. IX.* *Observ. 53.* memoratur : cruentas dejectiones , cum febre continua, acerbis torminibus , siti inexplebili, aquæ Nucerianæ frigidæ ad plures cyathos potu, fuisse percuratas, Nos ipsi testamur experti , dilu- entes potus, ut lactis serum , lac lymphatum , ebu- tyratum , aquam simplicem , aut mineralem lenio- rem , Selteranam scilicet, aut Swalbacensem, in dys- enterico morbo profuisse eximie. Vidimus id ma- xime in illa dysenteria , quæ ante aliquot annos, ex calida diuturna insolita aëris æstate constitutione infestavit epidemice , nec paucos sustulit e medio. Qui enim domesticis his remediis ac diæteticis usi, melius habuerunt & sæpius convaluerunt iis , qui pharmaceuticis , quantumvis pretiosis antidyse- ricis , a morborum artificibus sunt tractati.

§. XIX.

Accedit vomitus biliosus & diuturnus, in quo compescendo pariter præstans est frigidus aqueus potus. In hoc certe vidimus multoties saluberrimi-

D mum

inum effectum , non modo a potu acidularum Antonianarum frigido , sed & ptisanæ , nec non aquæ frigidæ simplicis , cui aliquot spiritus vitrioli , aut liquoris anodynī mineralis guttæ instillatæ. Licet etiam potis liberalius acidulis , primum crebriores per os & anum sequutæ dejectiones biliosæ , remisit tamen brevi vomitus , nec postea infestavit amplius. Digna est quæ hanc in rem notetur observatio in *M. N. C. Dec. III. An.* pag. 166. de sacerdote temperamenti cholericī , qui per multos annos in more habuit , ut , quotiescumque se , tempore præsertim æstivo , bile repletum sentiret , frigidam jejuno stomacho copiose hauriret , eoque ingentem bilis copiam per superiora & inferiora egereret. Hæc autem evacuatio , haud immerito partim humiditati & copiæ aquæ , quæ quasi sordium præbet vehiculum , partim etiam ipsi frigori , quod delassatam motricem in fibris stomachi & intestinorum vim , revocat & intendit , videtur tribuenda.

§. XX.

Non dispar ratio est , illius materiæ viscidæ vomitus , aut minimum conatus vomendi , qui a collectis crudis & male coctis in stomacho succis , matutino tempore , nonnullis , præsertim senibus , cum pectoris angore & magno egerendi nisu , accidit. Nam licet ad hunc præscindendum quidam ex usu esse potent , haustum aquæ cujusdam destillatæ spirituofæ , aut , ut vocant vitæ , vesperi assumptum , tantum tamen abest , ut speratus respondeat effectus , ut potius alvus obliviscatur officii eoque malum in-

gra-

graveſcat. Nos potius ſecura & explicita ratione ſuppetias tulimus multis conſilio : ut abſtinerent a ſpirituofis , ac circa ſomni tempus quartam mensu- ræ partem aquæ frigidæ biberent , mane vero infu- ſum theé , vel meliſſæ, aut veronicæ, corticibus citri conditum , calide in lecto ſorbillarent, ac poſtea le- neim madorem exſpectarent.

§. XXI.

Quæ porro intestina detinent tormina , tam co- lica, quam iliaca , ſive a biliosis mordentibus ſuc- cis, ſive etiam a ſanguine in vafis tunicarum intesti- nalium hærente , oriantur, optime & certo levan- tur liquido , maximeque aquoſo , frigide & co- pioſe ſumto. Oritur enim dolor hic a cauſa , ut Ve- teres loqui ſolent , calida ; eaque propter ipſi opti- me occurritur contrario , frigido potu. Scilicet incidit ſæpius , inprimis poſt iram ſuppreſſam , ut in corporibus juvenilibus , nec non virilibus , ex- quisitionis ſenſus & cholericæ conſtitutionis , acres biliosi humores in cavo & flexuris intestinorum hæ- rentes , ipſaque mora acriores redditi , non modo a credine ſua nervoſas intestinorum tunicas morde- ant , ſed & in vapores reſoluti , eadem diſtendant nimium , eoque doloris ſenſum inferant acerbiffi- mum. Neque etiam inſolens eſt , in iis maxime , quibus ſuetuſ hæmorrhoidum fluxuſ ſuppreſſuſ , quod ſanguis redundantis , lentius per portæ venam & he- patis viſcus means , in connexiſ tunicarum intesti- nalium vafis ſubſiſtat , illa diſtendat , has premat & ad ſpaſticam ſtricturam exſtimulet , qua flatibus pro-

D 2

hibe-

hibetur transitus & passim proritatur distensio , ac propter pressionem æque ac distensionem , tormina suscitantur fere intoleranda. Potus autem aquosí frigidi diluens , temperans & roborans est facultas. Hinc mordentes biliosos succos , disrarrando ipso- rumque intestinum motum compescendo , ita obtundit atque cicurat , ut vellicatione non amplius doloris sensum inferant. Sanguinem quoque crassum obhærescentem fluxilem reddendo , liberum facit ipsius per intestina commeatum , quo sublata a distentis vasis pressione , tollitur & dolor. Fibris præterea ob nimiam expansionem a robore defectis , robur reddit , ut iterum sese contrahant , flatusque ad ani ostium protrudant , quo pariter doloris conciliatur levamentum.

§. XXII.

Qui salutaris aquæ frigidæ in doloribus intestinorum effectus , sicuti firma omnino nititur ratione ; ita non minus per experientiam certus est atque probatus. Exstant enim de eo passim in Medicorum commentariis luculenta & testimonia & exempla. E quibus instar omnium id , quod consignavit LVDOVICVS SEPTALIVS , *animaðvers. lib. VII. pag. 248.* dignum quod inferatur totum. Contingit , scribit , aliquando , ut colici dolores adeo vehementes sint , ut omnem medicamentorum operam eludant , ac quocunque auxilio adhibito , potius angeantur. In quo casu erit ad contraria transeundum. Quum enim colici dolores majori ex parte a materia frigida fiant , aut a flatibus distendentibus ; sit aliquando , ut aut ratione dolorum , vigiliarum , aut

aut mœroris ob coniunctionem, aut invalescant nimium, aut intestina, accedentibus etiam calidis & foris appositis remedii, aut phlogosi quadam tententur, aut etiam vera inflammatione incipient affici, aut multa præexistens bilis ibidem transfundatur. Vnde ad contraria erit transfundum & insigniter refrigerandum. Quod mihi præterito anno contigit, in nobili quodam Hispano, qui cum colicis doloribus per aliquot dies acerrime fuisset confictatus, & jam-jam mors esset præ foribus, nulli persentirentur arteriarum pulsus, sudores essent resolutorii, nulla denique superesset spes salutis, ne quidem apud Medicos, etiam præstantissimos; accersitus & ego, cum sitim inextinguibilem, lingue scabritiem, nigrorem atque duritatem, pertactis autem hypochondriis & ventre inferiori, calorem in partibus illis æstuantem adesse observasse, Hispano aquam multam, nive etiam refrigeratam, bibendam exhibui, cum natura abstemius esset: Et multæ aquæ potator in somnum prelapsus est, & quatuor horarum spatio cum dormiisset, dolore quodam inferioris ventris, a primo maxime, ut ipse referebat, diverso, excitatus a somno, miram bilis flavæ copiam evacuavit & a doloribus liber evasit. Vnde collegi, Medicos, qui illius curationem suscepserant, in causa morbi illius longe deceptos fuisse, cum calidis remedii curationem instituissent, a frigida materia morbum factum judicantes. Ut brevitati studentes mittamus illam AMATI LVSITANI historiam, quam Cent. I. curat. II. de muliere colica ex causa calida laborante, quæ ex potu aquæ frigidæ subito incantamenti instar dolore levata est, nunquam redeunte, habet, nec non illam, quæ in M. N. C. Dec. II. ann. X. obs. 139. reperi-

D 3

unda.

unda. Nos quod in confirmationem adducamus, habemus potissimum exemplum serenissimi Principis, qui colicæ biliosæ sæpiissime patitur insultus, contra quam præsentissimum ipsi remedium Schlangebadensis aqua, qua ad duas vel tres mensuras subfrigide hausta, illico dolor levatur ac ceflat.

§. XXIII.

Pari ratione in spasmis & anxietatibus præcordiorum, in sic dicto dolore cardialgico, stomachi ardore & soda, præstans est potus frigidi facultas. Oriuntur enim ut plurimum hæ passiones a colluvie acrionis biliosorum, vel etiam acidorum humorum in primis viis, maximeque ventriculo, hospitantium, & mutua quasi confermentatione majori acrimoniam imbitorum. Quibus dum nervosum os stomachi superius male afficitur, oritur inde strictura spastica, dolor, ardor & anxietas. His autem certo & cito succurrere aptus est frigidus potus, succos mordentes diluens motumque in ipsis suppressim, quo minus vellicent. Hinc recte MARTIANVS in ardore stomachi cardialgico hoc remedium plurimum commendat. Et CELSVS lib. I. c. IX. ex vero scribit: *qui tarde concoquunt* *Et* *quorum illico præcordia inflantur, qui propter ardorem, cum noctu fitire consueverunt, antequam conquiescant, duos vel tres cyathos aquæ frigidæ, per tenuem fistulam potent.* Idem nosmetipsi experti testamur, qui sæpius observavimus, aquam frigidam, vel solam, vel liquore anodynō mixtam, opem tulisse præsentissimam.

§. XXIV.

Inter morbos, quorum sedes in prima corporis regio-

regione, est adhuc pervicax illud hypochondriacum malum. Sane qui hujus ortum & causas habet perspectas; is ultiro fatebitur, aquæ potum frigidum adversus illud esse apprime utilem. Fundamentum enim huius passionis atonia est stomachi & intestinorum. Hanc excipiunt sanguinis in vasis, & succi chymosi, nec non excrementorum, in cavo intestinorum stagnationes. Hæ porro occasionem dant flatibus & spasmis, e quibus demum symptoma reliqua cuncta. Sed frigida aqua fibras remissas firmat & motum peristalticum æquabilem reddendo, flatus dissipat, atque id, quod in substantia æque ac cavo intestinorum moram necit, in motum ciet; unde morbus totus abigitur. Quæ salutaris aquæ frigidæ virtus, CELSO jam cognita fuisse videtur; qui *üb. I. Cap. IX.* frigidas potiones commendat, si stomachus infirmus est, quem pallor, macies, præcordiorum dolor, nausea, vomitus, in jejuno dolor capitis, indicant; suadens porro, ut omnes potiones aqua frigida includantur; & ubi cibus acescit, ante bibendam aquam egelidam, & hac ratione, & vomitum, & frequentem dejectiōnem, premoveri, si alvus subsistat. Inprimis autem D. D. PRÆSES habet, quod dilaudet, aquæ frigidæ usum in malo hypochondriaco. Plures enim novit vegetæ & sanguineæ constitutionis, qui huic morbo, partim ex retenta purpura chronica, partim etiam ex neglecta consueta sanguinis missione, vitæ genere ex laborioso simul in sedentarium mutato, cum vehementi melancholia impliciti; adhi-

adhibitis incassum pharmaceuticis remediis cunctis, potu acidularum frigido, per mensem & longius continuato, habuisse optime, erumpente etiam ipsa purpura. Si etiam postea nonnulla symptomata spastico-flatulenta recruduerunt, dedit consilium, ut quotidie ante lecti introitum, quarta pars mensuræ aquæ frigidæ, cum quindecim, vel viginti guttis liquoris anodynī mineralis, assumeretur & quandoque pulveris nitrosi & pilularum balsamicarum usus interponeretur. Et sic særissime hoc Medicorum scandalum sustulit feliciter.

§. XXV.

Quod in viris hypochondriaca, id in feminis hysterica pathemata; unde in promtu est colligere: in his non minus, quam illis, accommodatum esse frigidum potum. Quam atrocia sint in hysterica passione symptomata, præcordiorum angores, ventris tormina, dorsi dolores, artuum convulsivæ tractiones, tendinum subinde subsultus, animi deliquia, pulsuum debiles & inæquales ictus, faucium præfocationes, conatus ad vomendum, cordis tremores & spiritus interclusus, per ipsam experientiam uberioris constat. Quam difficulter malum hoc penitus extirpetur, ita, ut særpe omnium efficacissimorum alias pharmaceuticorum remediorum virtutem eludat, pariter est notum. Multiplici tamen experientia confirmatum habet D. D. PRÆSES, a nullo tam præsentaneum & certum adversus illud auxilium esse exspectandum, quam ab aqua frigida, qua ad uncias sex, vel sola, vel cum tertia parte aquæ

aqua cerasorum nigrorum remixta, instillatis simul quindecim liquoris anodyui mineralis guttis, pota, pathemata discutiuntur cuncta. Vedit id nuperius admodum in femina venusta, quæ per tres integros menses ante connubium laboravit hoc malo gravi-
ter, & tertio post nuptias mense in illud recidit, solo autem hoc remedio, cum mariti & propin-
quorum gaudio, facili & explicita ratione ad sani-
tatem reducta.

§. XXVI.

Neque tantum in prima corporis regione frigi-
dum humidum efficaciam suam exserit; sed eandem
etiam longius in alias remotas corporis partes dif-
fundit. In tussi enim quæ ferina, sive convulsiva
audit, eximie quoque prodest. Tussis huius causa
non humor copiosus lentescens ejiciendus screatu,
sed acris quædam subtilis materia. Neque sedes
ipsius in ipsa vesiculosa & vasculosa pulmonum sub-
stantia, sed in pnevmonicis nervis, qui ab inhæ-
rente vellicante materia, cum totius pectoris mu-
sculis, ad vehementem molestissimum motum succus-
fatorium exstimulantur. Quare frustra penitus in
hoc tussis genere dantur sic dicta expectorantia, la-
xantia & pituitam incidentia. Sed quæ causæ in-
primis accommoda, sunt ea, quæ placide diapho-
resin sine æstu interno excitant. Inter quæ haud im-
merito locum tenet diluens potus, propter frigus si-
mul roborans & ulteriorem affluxum & decubitum
impediens. Vnde saluberrimum esse potum ejus-
modi frigidum innotescit. Quem etiam nos met ipsi
utiliorem deprehendimus, quam calidum, in adul-
tis, & quæ ac infantibus sic tussientibus.

E

§. XXVII.

§. XXVII.

Quod vero magis videtur mirabile , in exten-
narum quoque partium vitiis frigidus potus opitu-
latur eximie ; quorum in numero sunt dolores , qui
tam articulos affligunt , quam etiam membranis
muscularum insident . Ad præservationem enim
articulare morborum perutilem esse aquosum po-
tum testis est BRVYERINVS de re cibar . lib . XVI . c .
III. ex hydropotis , inquiens , *nemo facile est* , qui hunc
in morbum (arthritidem scilicet) *prolabitur* . Quam
salutaris vero sit ad curationem passionum in articu-
lis, fidem facit LANZONI, in M. N. C. Dec. III. Ann.
III. obſ. XXV. memorans : sacerdotem quendam , do-
loribus articulorum continuis misere afflictum, ab-
ſtinentia a vino & solo potu aquæ ſimplicis , ſic fe-
liciter convaluiſſe ut arthriticus eſſe plane deſierit .
Eudem felicem potus aquæ ſuccellum POTERI-
VS Cent. III. cap. 39. prodiſit; ſic perhibens : *Dn.*
CÆSAR LEVANTE in juventute pefſima arthritide ve-
xabatur , cuius cauſa quinque vel ſex menses in leto de-
cumbebat . Primi dolorum iuſultus adeo efferati erant, ut
ad duos menses nullo pacto quiescerent . Primis diebus ad
eum vocatus , pilulas carbolicas alternis ipſi diebus præ-
ſcripsi , ubi contumax erat dolor laudinas ipſi miſcui . Ad
totalem autem curationem ipſi indicavimus , ut bis in
mense de dictis auſſumeret & loco vini in potu biberet aquam
perpetuo . Quod preſtitit per decennium , quo tempore per-
fectam adeptus eſt sanitatem , ſcipiones & crucēs , qui-
bus in ambulando utebatur , primo abjecit , tandem bacu-
lum , & modo rectus , ſine auxilio incedit , modo agit ſe-
xagesimum annum , optimo robore donatus & optima valetu-
dine fruens .

§. XXIX.

§. XXIX.

Salutarem hunc aquæ potus effectum D. D. PRÆSES etiam multiplici experientia habet confirmatum. Quam præstabile enim sit adversus podagricos dolores remedium, fuse docuit in dissertatione *de remedio doloris padagrīci genuino & simplicissimo*. Arthriticos vero quoque dolores cum orta inde contractura, aquis in Germania passim obviis medicatis quidem dictis, sed indole tantum levibus ac puris & nonnihil de martiali elemento habentibus, liberaliter, ad unam, vel duas mensuras, quotidie aliquanti potis, penitus abactos esse sæpius novit. Meminit potissimum viri, qui per novem & quod excurrit annos manuum pedumque contractura, ex dolore post tertianam male curatam, affectus fuerat. Is enim posteaquam salubrem nostratem aquam, quæ ante suburbium Glauchense, in via qua itur Bœlbergam salit, ac præter tenuia nonnulla martis ramenta, a fontana pura & levi non differt, per aliquot hebdomades, quotidie ad sex vel octo mensuras, potasset, urinam excrevit copiosissimam, manus & pedes successive redierunt ad officium & cum maxima omnium qui ipsum ante noverant admiratione, perfectam omnino recuperavit sanitatem. Ut silentio prætereamus plura alia exempla; doloris rheumatici, ischiadici, per frigidum Egranarum aliarumque mineralium aquarum potum & balneum ex aqua martiata Lauchstadiensi, feliciter expugnati.

§. XXIX.

Nec minus in capitis dolore, tam idiopathicō, quam symptomatico, spectatæ virtutis est frigidus aquæ potus. Symptomatica enim cephalalgia

E 2

sæpi-

sæpius oritur ex ventriculi vitio, a biliosis, acribus, acidis & male coctis succis, in hypochondriacis maxime & hystericas, juncta cum lento circa vesperam increbescente calore. Et in hac utique saluberrimum sæpius deprehendimus simplex nostrum remedium, ita, ut pota ad quartam, vel dimidiam mensuræ partem aqua fontana, cum tertia parte aquæ cerasorum nigrorum, aut florum tiliæ, circa lecti introitum, dolor extemplo dissipatus; uti noviter admodum compertum habemus exemplo feminæ honestæ Islebiensis. In idiopathicò vero etiam capitis dolore, cuius causa & sedes in ipsis capitis & cerebris membranis, aquam frigidam potam prodesse, hæc testatum facit historia. Vir erat Hebræus, circiter quadragenarius, strictioris corporis habitus, qui ab iracundia & superingesto cibo, contraxerat dolorem in vertice capitis fixum, spatiū occupans magnitudine imperialis. Sensus huius doloris quidem non adeo erat acutus, vibratorius, lancinatorius, aut pulsatorius, uti alias in cephalalgia esse solet, sed magis pressorius & gravatus sub cranio; neque erat perpetuus, sed subinde, maxime circa vesperam & noctu, ingravescebat. Nihilominus tamen adeo graviter inde luebat universum corpus, ut appetitus concideret, somnus abesset, vires mirifice deficerent, pulsus ordinatus, modo celer, modo rarus & languidus micaret, ipse quoque animus abjectus esset & sub paroxysmo quandoque plane turbaretur. Pugnatum fuerat adversus hunc dolorem tum a D. PRÆSIDE, tum ab aliis strenue & efficacissimis alias remediis. Sed licet quandoque inde remittere per ali-

aliquot dies videretur, levi tamen accedente occa-
fione, ex ira, aut aliis externis injuriis, iterum ve-
hementia recrudescebat priori. Exactis inter hæc
duobus circiter mensibus, in consilium simul vo-
catus est, celebris huius civitatis Medicus, D. D.
ALION, ingeniosa curandi tentamina, subinde non
infeliciter, adornans. Is purgato prius per aquam
Sedlicensem corpore, dedit consilium, ut æger
mane & post meridiem biberet dimidiam mensuram
aquæ fontanæ frigidæ in lecto. Inde primum qui-
dem factum refrigerium & symptomata visa exacer-
bata, sed clapsa hora, pulsuum magnitudo increvit
& sudor erupit largissimus, cum doloris levamine.
Hinc per septem dies potum continuare præcepit;
tam felici successu, ut successive dolor evanesceret
omnis. Ac licet clapsis aliquot hebdomadibus, post
iram dolor hic repeteret, eodem tamen remedio
per triduum usurpato, iterum feliciter est discussus,
& æger sanus jam est ac vegetus.

XXX.

Revocat hæc historia in animum aliam de singu-
lari effectu potus aquæ frigidæ in affectu atroci spa-
smodico-convulsivo, ex consilio laudati modo ex-
perimentissimi viri potæ, quam heic inserere non erit
alienum. Puer hebræus duodecim annorum, a ter-
rore & frigore, incidit in ingentes præcordiorum an-
xieties, cum tussi, virium lapsu, extremorum tre-
more, intercurrente horripilatione & interno æstu.
Tertia die post manus & pedes convulsivis motibus
& subsultibus agitati, perhoræ dimidium insistenti-
bus. Inde magis magisque increverunt convulsivi hi-
motus, ut dorsum & collum aspectu horrendis incur-

E 3

vatio-

vationibus & contractionibus quassaretur, idque aliquoties quotidie. Sub paroxysmo pedes frigebant, thorax elevabatur, respiratio erat crebra, pulsus celer & durus, sensus tamen constabant. Post paroxysmum languebat corpus universum, appetitus vero cum somno erat integer. Adhibiti in consilium Medici multi, exterorum etiam consilia conquisita. Plurimi verminosam progeniem subesse causam rati, aliqui per terrorem inductum esse malum putarunt. Sed data, tam ex illorum sententia anthelmintica, quam ex horum præscripto antepileptica, adhibitis simul balneis, fuerunt prorsus frustranea. Malum potius perstittit idem, quin subinde factam acerbius. Tandem miser aquam fontanam frigidam, ad unam, vel dimidiam mensuram, quotidie per vices bibere jussus est. Quo intra quatuordecim dies motus isti convulsivi paullatim compositi, nec in hoc usque tempus iterum infestarunt.

§. XXXI.

Singulares certe & mirabiles sunt hi aquæ frigidæ effectus; quin inter fortuitos casus eosdem referendos esse, nonnullis forsan videbitur, quia ratio eorum non adeo obvia. Nos autem censemus, causam reddi posse haud adeo difficulter. Arbitramur quippe: frigidæ potum interdum artificialeм quasi febrem & motum febrileм auctum efficere, cuius in resolvendis minimorum obstructionibus & discutienda alicubi hærente vitiosa materia, magna vis est. Nulla enim febris fit sine rigore partium externalium; hoc sanguis introrsum ad vasa majora congeritur; inde horum fit major diastole; quæ in corporibus adhuc valentibus æqualem proritat systolem intensiorem; hinc

hinc universus sanguinis cireulus fit auctior & celerior, atque per motus sic intensos causa morbum ingnens concutitur simul & discutitur. Quare prisci Medicinæ parentes, HIPPOCRATES & CELSVS, febrem jam habuerunt medicinam, quo magni etiam morbi curantur, paralyses, epilepsiae, convulsivi motus & effectus spasmodici hypochondriaci. Quin consultum duxerunt, suppressa citius febre, novam accendere. Qua de re pluribus videnda D.D. PRÆSIDIS dissertatio *de salubritate febrium*. Atque ex his etiam in promtu ratio: cur balnea frigida, in persanandis chronicis morbis, hydrophobia, paralysi aliisque, mirabilem saepe ferant opem; quod vero argumentum D.D. PRÆSES peculiari forsan dissertatione uberius excutiet.

§. XXXII.

Atque hi sunt illi morbi, in quibus aquæ frigidæ potum conducere certum est. Alios quidem adhuc ex observatione & experientia in primis D. D. ALION adducere potuissemus, icterum, hæmoptysin aliasque hæmorrhagias nimias. Longe plures etiam enumerantur in libro, de *virtutibus medicinalibus aquæ communis*, anglice, auctore SMITH conscripto, & gallice Parisiis edito, in quo potissimum ceu febrifugum magnum & antipestilentiale dilaudatur, & vix morbus est, in quo non prodesse asseritur. Sed nobis sufficit, attulisse illos effectus, quos ipsi spectavimus & propria experientia certos esse novimus. Id vero necessarium erit, ut ultimo loco subjungamus monita quedam, ad obtainendum salutarem effectum servanda. Igitur, quando ex vehementi corporis commotione, interiora astuant & corpus sudore perfunditur, frigidus

gidus potus, præsertim largus, utique nocentissimus, & nunquam præbendus est. Idem tenendum, quum per vehementem iracundiæ affectum animalis œconomia & motuum vitalium successus exagitatur ac turbatur. Vbi interiores partes, in primis stomachus cum intestinis, ipso in paroxysmo atrocibus spasmis & doloribus torquentur, cum extremorum frigore, pulsu duro & inæquali, potum actu frigidum propinare est inconsultum. Majori adhuc cautione opus est, si internæ cujusdam inflammationis signa adsunt, quæ frigore omni, quod stasis obfirmat, non potest non exacerbari & ad sphacelum disponi. Neque etiam frigidum humidum sine noxa dari potest senibus & ubi ex longa valetudine vires admodum languent; neque ubi crudis vitiosis humoribus prima regio obfessa, & in feminis, præsertim ex criticorum sanguinis evacuationum defectu, metus est cachexiæ. Specienda potius in omni huius remedii, simplicis quidem, sed effectu heroici, usu, ætas, structura solidorum, temperies humorum, morbus, ipsius causa & tempus. Quod si enim corpus juvenile, biliosum; si morbus ex acrimonia & copia biliosorum humorum enatus; si vires adhuc constent; si morbi non est impetus & paroxysmus; corpus totum æqualiter calet, neque sanguinis, vel humorum propter spasmos præsto sunt congestiones: frigidus aquæ potus utique non reformatandus est, sed commendandus.

F I N I S.

GENERE AC DOCTRINA NOBILI
DN. CANDIDATO
S. D. P.
FRIDERICVS HOFFMANNVS.

Disputas de aqua ejusque potu frigido. Vile
hoc videtur argumentum & vix medica dis-
quisitione dignum. Communissimus enim est
pariterque innocentissimus aquæ potus. Sed
utique recte facis. Enimvero dum incompa-
tabilem medicinalem virtutem simplicis hujus ubique obviis
edisseris, validissime confutas illud multorum cacoëthes,
qui nonnisi arcana, chymica, exotica & pretiosa crepant.
Simul etiam erroris arguis apertissime, numerosum Medi-
corum vulgus empiricum, quod universalia habet, ac id quod
uni, alteri etiam prodesse putat. Absonum certe & in con-
ditorem benignissimum injurium est, negligere quæ ante pe-
des & operose conquerere aliena; arcana lucris spe jactitare &
& obvia rejicere; artis producta naturæ operibus anteferre;
vilia spernere & sanitatem caro divendere pretio. Nec mi-
tius sentiendum de famosis universalibus. Universalia
enim, uti vocant, sunt nulla. Quod juvat, etiam nocere
potest. Universale autem foret id, cui non nocendi, adeo-
que nec juvandi, virtus inest. Sed tale nusquam datur re-
medi-

F

medici-

medium. Simplex aqua, quæ quasi elementum est, quo ad vitam & sanitatem tuendam carere potest, nec homo, nec animal ullum, experientia teste, & que damnum inferre apta, ac emolumentum. Quanto magis nocere poterunt, quæ validiora, quæ ab animali mixtione magis aliena. Rationalis igitur Medicinæ canon est: omnia, non omnibus. Distinguenda corpora, morbi ipsorumque tempora, nec circumstantia negligenda minima. Tum perspectis probe singulis, comparatione cum viribus remedii facta, cum certaratione dici demum potest: utrum conducat, nec ne? Quare opus est judicio. Nemo autem recte judicabit, nisi qui exacta rerum naturalium ipsiusque corporis humani instructus est cognitione. Quæ vera & ad ipsam praxin utilis theoria addiscenda in academiis. Sic ago Tecum, Candidate prænobilis, dum ex academia discedis. Quamdiu enim in ea versatus es; nihil habuisti antiquius, quam ut sub dextra, præsertim B. D. COSCHWITZII, manuductione, medicam scientiam Tibi comparares solidam. Generosa autem & promta animi indoles, cum labore strenuo, fecerunt utique, ut voti prorsus damnareris. Nos metihius hujus sumus testes. Matura enim nobis exhibuisti & binis examinibus approbasti studia, & theoreтика, & practica. Quare diligentiae præmium, summos in Medicina honores, Tibi conferre nulli dubitavimus. De his jam Tibi ex animo gratulor. Nec ullum est dubium, quin, si eidem viæ insistes porro perpetuo, in patriam & Te ipsum, fortunante Deo, fructus inde redundaturus sit amplissimus. Quod ut certo eveniat, conceptis ego votis excepto. Vale. Scribeb. d. XX. Decembr.
Anni MDCCXXIX.

Auf

Nuf! kämpfe, muntrer Freund, es geht um
Preiß und Glanz,
Dort ist Hymea schon, und hält den Lorbeer-
Cranz,
Mit welchem ihre Kunst bemühte Söhne zieret;
Dort ist die Beute schon, die Deinem Fleiß gebühret.
Greiff unerschrocken an, und wisse, daß zuletzt
Der wohlerfochtne Ruhm gar ungemein ergözt.
Ja, ja Du hast gesiegt, Du kommst bekrönt zurücke:
Was aber wünsch ich Dir! Ein immersteigend
Glücke.

Hiermit wolte sich zum beständigen Andenken
recommendiren des Herren Candidaten er-
gebenster Freund und Diener.

Johann Rudolph Brockmann, D.

GENERE ET VIRTUTE SVMME- NOBI-
LISSIMO ET PRAESTANTISSIMO

DN. CANDIDATO

S. P. D.

JOH. CHRIST. EHRLICH,

M. D. & Pr.

Talia comparanda sunt bona, quæ in naufragio si-
mul natare possunt. Reminiscor, me quondam
hæc verba, Fautor Æstumatissime, Tuo ami-
F 2 co-

corum catalogo inferuisse. Sane, si aliquid veritatis in lu-
cem proferre licet, sine omni illius l&f;sione contestari non
vereor, Te ejusmodi bonis splendide exornatum existere.
Virtus enim illiusque ope comparata fama, gloria honos-
que, ea sunt bona, quae frementes etiam fluctus, ingurgi-
tare nequeunt. Virtus Tibi sane, primo lactis materni
nutrimento fuit instillata, illudque tanta nutriendi ener-
gia fuit præditum, ita ut virtutis fibræ de die in diem se
magis magisque toto virtutis concreto apponenterent. Fa-
mam, gloriam honoremque, demum indefessa cura, indu-
striaque laudatissima ita Tibi comparasti, ut illorum splen-
dore satis clare nitescas. Hæc vero ornamenta sine labore
acquirere non potuisti; quare Tu primis fundatis fundamen-
tis, Te arti Apollineæ in Alma hac Fridericiana consecra-
sti, eique etiam per quinque annos ita operam navasti, uini-
hil superesset, quod omni diligentia cultu non pervestigasses.
Infima fex populi hominumque genus præceps in dijudi-
cando præjudiciis quidem fuit agitatum, quasi Tu, Can-
didate dignissime, Tuum Dic cur hic non rite observas-
ses tempusque inutiliter trivisses. Eventus vero dili-
gentiae Tuæ contrarium satis probat, Te Tuò muneri rite
præfuisse. Natura enim Tibi benignissimam ingenii ve-
nam, acutissimamque judicii aciem est largita; quibus
mediantibus, ludendo quasi per aliquot dies tantum præstitisti,
quantum alii per aliquot septimanæ vix præstare potue-
runt: hinc error in dijudicando fuit obortus. Virtus itaque
exercetur quidem, sed non perit, virtus oppressa altius sur-
git & obfuscata clarius emicat. Pallecit itaque livor, ob-
stupuit sane invidia & erubescit, Te ignominia& squalore per-
fundere, esse conatam. Iam videt perspicitque, imo contestare
cogitur se Tibi injuriam intulisse. O felicem invidiam vir-
tutis.

tutis comitem! O suavissimam victoriam, quā uti mœni-
bus septus omnes Tuos hostes profligatos, prostratos Tibique
tergum vertentes jam vides. Sic angulos non quærit ve-
ritas. Et multorum simulata probitate depressa emergit.
Diutius itaque latere non potuit virtus Tua præstantissima,
sed summos in arte medica honores rite petendo gloriose
jam est afferita. Sincere itaque Tibi gratulor ad honores
Tuae industriae testes indubitatos. Abeas itaque omnis fe-
licitatis successu concomitato ad Tuos desiderio flagrantes Te
propediem amplectandi. Gratulor parentibus de filio di-
gnissimo Et in rebus medicis satis experto. Abeas ad sola-
men ornamentumque Tuorum, felicem, imo auream Tibi
apprecer praxin. Abeas, inquam, ad augendum Helveticorum
Medicorum splendorem. Sane persuasus sum per Te
de novo in Helvetia Medicinae nitorem emicaturum fore.
Uti demum Tua egregia bona, famam scilicet Et honorem,
nulla Tibi eripient naufragia, ita quoque locorum distantia
suavissimam Tui recordationem mihi nunquam eripiet. Va-
le, mihi que fave, Vale: Dabam e Musæo d. 20. Decembr.
MDCCXXIX.

SO recht! ein fluger Medicus,
Läßt offtermahls die guldne Panacéen,
Als einen theuren Überfluß,
Mit allem Fleiß lang unberühret stehen.
Wer so, Gelehrter Freund! wie Du,
Natur gemäß hierinn weiß zu verfahren,
Schafft oft durch kühles Wasser Ruh,
Und kan gar leicht die kostbarn Formuln spahren;

F. 3

Dies

Dies ist was mit Verstand und Fleiß
Die fluge Hand in diesen Blättern zeiget,
Dass auch dadurch mit Ruhm und Preis
Der muntre Fuß zur Doctor-Würde steiget;
Ich gratulire Dir darzu,
Und gebe Dir hier meiner Freude Spühren:
Die Wünsche, die ich für Dich thu,
Sind: Himmel segne Ihn, beglücke Seine
Turen.

So gratulirte dem Herrn Doctorando seinem
allzeit liebgewesenen Freunde zur rühmlichst
erhaltenen Doctor-Würde

Joh. Daniel Kessler, Med. D.

STAT NOTA DOCTORIS, STAT NOBILE CULMEN HO-
NORIS
Sternere Læthæas ex Acharonte Deas.
Pestis bacheletur, febris nigra fata minetur;
Morbida castra jacent, te medicante tacent.
Stet telo audaci Libitina, & falce minaci;
Rides austerae monstra severa feræ,
Quid mirum? largum superasti pervigil Argum:
Est onerosa dies suavis, ut ipsa quies.
Seu vaga luna nigras rotet atra fronte quadrigas,
Seu sol emotis flagret in axe rotis.
Librorum pulchris recubat tua dextera fulcris,
Te quicunque parant vincere, littus arant
Octo nunc annis (non sunt verba oblita sannis)
Morpheum derides nocte, nigrante vides.

Per-

Pernox vix duras somno scis pellere curas,
Nocturnisque horis Condere membra toris
Pleissa laborantem vidit Te ad pulpita stantem
Hic Tuus usque scopus, SALA coronat opus.

Quibus animum obstrictissimum erga te
Neo Doctorem patefacit

Franciscus Liedlinger,
Briga - Silesius.

SElehrt-Geehrter Freund , erlaube meinem
Kiel

Der seine achte Treu in Ehrfurcht zeigen will.
Ich sich so herß als Brust in wahrer Wehmuth legen,
An Deinem Ehren-Tag ein Denckmahl aufzusezen ,
Du hast durch Deinen Fleiß Hyginens Purpur
Pracht.

Auf Dein gelehrtes Haupt nicht sonder Ruhm ge-
bracht.

Des freut sich meine Brust , die Dein beliebtes We-
sen ,

Zu einem Ruhe-Platz der Freundschaft ausgerlesen
Ich wünsch Dir tausend Glück, daß dieser Ehren-Tag,
Ein Anfang mehrern Ruhms und Ehren bleiben mag.
Der Himmel kröne stets mit Segen Deine Euren ;
Das Glücke bringe Dich auf unsers Hoffmanns
Spuren.

Des Ehrenvoller Ruhm von Tag zu Tage steigt.
Und Dessen hoher Geist ganz was besonders zeigt.

Dies

Dies ist mein treuer Wunsch den Dir mein Herz
giebet,
Leb wohl ! lieb Deinen Freund , wie Du Ihn stets
geliebet.

J. C. Stöß,
Berol. M. Match. J. Stud

QVa rVbent tæDæ roseæ D Jones,
qVa geLV DVros tenVat Tr
VIVIs, & VIrtVs tVa fLeXa L aVro
tVrget ab

Fr. W. Prætorius,
Königsberga Neo-Marchicus
Stud. Med.



David 158, 46

